

**Najib, Muhyiddin mula lawat negeri bulan depan**  
**Malaysiakini.com**  
**February 25, 2011**

Naib presiden Umno Hishammuddin Hussein berkata, Perdana Menteri, Datuk Seri Najib Tun Razak dan Timbalannya, Tan Sri Muhyiddin Yassin akan memulakan lawatan ke setiap negeri, mulai bulan depan.

Negeri pertama yang akan dilawati ialah Sarawak, yang akan berdepan dengan pilihan raya negeri tidak lama lagi.

Ketika ditemui di Merlimau, beliau berkata, Najib dan Muhyiddin akan melawat dua negeri setiap bulan.

Katanya, diharapkan siri lawatan itu akan selesai pada bulan September tahun ini.

Hishammuddin turut ditanya mengenai rancangan Parti Hak Asasi Manusia (HRP) untuk mengadakan perhimpunan anti-rasis di ibunegara esok.

Hishammuddin yang juga menteri dalam negeri berkata, beliau menyerahkan kepada ketua polis negara untuk mengendalikan perkara itu.

Katanya, beliau mahu ada pihak yang menggunakan perhimpunan tersebut untuk memecahbelahkan rakyat.

Tegasnya, gerakan demokrasi di Timur Tengah tidak akan memberi kesan kepada Malaysia kerana situasi di sana adalah berbeza.